

潮州吟稿

五言古詩一首

芝柏寓居

獨立望前山，深秋橫薄霧。木末葉黃時，宿鳥歸何處？

五言律詩一首

豐收村 六魚

日沒村墟靜，樵人歸舊居。自懷身類雁，老大影隨車。花氣秋塘重，佛燈山寺初。短歌仍作枕，倚策聽何如？

七言律詩六首

十三夜散步大稻埕碼頭二首

左旋氣候啓秋華，寫景都能著筆花。原路不慳顏色換，喧輪摩盪水雲斜。兌隅有處凝氛霧，象櫺潛潮委夙沙。雨釀浪浪四邊靜，當時攘往去來車。

諸峰拔兀插成圍，照見河山接地依。遺世攜憑真可念，懷珠未晚亦先晞。一天迴水浮槎過，萬竅涼聲漚鷺飛。花氣微微復如許，爲園小聚試秋衣。

過侯峒，難得山居二首

依然僻巷無人住，尙有黃籬共歲寒。閉戶幽光散空闥，先秋結色作殊觀。未馴介豸難成夢，翻急飛鳶可見端？宛轉鉛華卻銷盡，暫挲清趣欲登盤。

一百階除思悄然，運煤橋立歛溪煙。山垂侯硯彌留影，蟲競巒叢偶露娟。落落蒼虬望溲沔，沉沉傑石已騰岏。向來幽躅宜琴悅，似有馨香待吐妍。

外圍環流轉雨，淡水堤畔望八里二首

取次寒花向晚開，入山風雨濕樓臺。光沉餘隙如初旭，雲變千巖鎖鬢苔。萬木喧闐遽邊警，太空欬唾壓潮回。砌蟲仍譜多商意，莫把風華認劫灰。

此際頑風吝放晴，銜悲高鳥已收聲。急瀾乍動魚龍夜，老境漸枯春晚情。露水滴垣憑倦影，培花墜溷未寒盟。昨宵捷運看潮處，歎霧猶慳百感并。

五言絕句二首

登獅頭山

登臺不可望，山氣尚沉沉。古木啼寒鳥，向來春更深。

效林古度〈立春日過萬松庵〉

幽人下蒼徑，細雨滴寒池。昨已添春色，山深猶未知。

七言絕句四首

雜感二首其一

秋雨東籬未着泥，嶺頭流水徑深微。向來取作成辛苦，明月殷勤誰與歸？

讀青邱詩

盡日冽風深閉門，鄰家燈火語黃昏。今宵始覺離鄉遠，身在香山郭外村。

芝柏春雨

一蓑煙雨長溪痕，渺渺鐘聲閉院門。家在此行三百里，年年花落濕黃昏。

過古奇峰法源寺

悄對黃花欲坐忘，不分秋序與重陽。山間才覺消殘暑，便識林端一味涼。

詞一闋

桃源憶故人 惜紫荊花

西樓青瑣蕪城路。隱隱羊車輕度。彈淚試春歸處。問落茵遲步。涼風吹綻香如故。便萬點留春住。漸晚長亭無語。寸寸斜陽去。